


衆事分阿毘曇論

籍

才八

三百六十三
投六

1
50356



法金剛院置

轉

輪

常

轉

衆事分阿毗曇論卷第八

尊者世友造

宋三藏求那跋陀羅共菩提耶舍譯

千問論品第七初一

戒淨果通種斷如意足念諦

戒者謂優婆塞五戒問云何五答謂值

受盡形壽不殺生是優婆塞學迹盡形壽不

偷盜不邪淫不妄語不飲酒是優婆塞學迹

問此優婆塞五戒幾色幾非色幾可見幾不

可見幾有對幾無對幾有漏幾無漏幾有為

幾無為幾有報幾無報幾因緣生世所攝幾

非因緣生非世所攝幾色攝幾名攝幾內入

攝幾外入攝幾知幾非智知幾斷知幾



非斷知知幾斷幾不斷幾應修幾不應修幾
穢汚幾不穢汚幾果幾非果幾有果幾非有
果幾果亦有果幾非果亦非有果幾受幾不
受幾四大造幾非四大造幾有上幾無上幾
是有幾非是有幾因相應幾因不相應
有六處善攝謂善色善受想行識及數滅問
爲善處攝五戒爲五戒攝善處
有五處不善攝謂不善色不善受想行識問
爲不善處攝五戒爲五戒攝不善處
有七處無記攝謂無記色無記受想行識及
虛空非數滅問爲無記處攝五戒爲五戒攝
無記處

有三處漏攝。謂欲漏有漏無明漏。問為漏處。攝五戒為五戒攝漏處。

有五處有漏攝。謂有漏色有漏受想行識。問為有漏處。攝五戒為五戒攝有漏處。

有六處無漏攝。謂無漏色無漏受想行識及數滅。問為無漏處。攝五戒為五戒攝無漏處。

問此五戒幾過去幾未來幾現在幾非過去非未來非現在幾善幾不善幾無記幾欲界繫幾色界繫幾無色界繫幾不繫幾學幾無學幾非學非無學幾見諦斷幾修斷幾不斷幾心幾心法幾非心幾非心法幾心相應幾唯心幾心隨轉非受相應幾受相應非心隨

轉幾心隨轉亦受相應幾非心隨轉亦非受
相應幾心隨轉非想行相應幾想行相應非
心隨轉幾心隨轉亦想行相應幾非心隨轉
亦非想行相應幾覺隨轉非觀相應幾觀相
應非覺隨轉幾覺隨轉亦觀相應幾非覺隨
轉亦非觀相應幾見非見處幾見處非見幾
見亦見處幾非見亦非見處幾身見因非身
見幾身見非身見因幾身見因亦身見幾非
身見因亦非身見幾業非業報幾業報非業
幾業亦業報幾非業亦非業報幾業非業隨
轉幾業隨轉非業幾業亦業隨轉幾非業亦
非業隨轉幾造色色非可見色幾何見色非

造色色幾造色色亦可見色幾非造色色亦
非可見色幾造色色非有對色幾有對色非
造色色幾造色色亦有對色幾非造色亦非
有對色幾甚深難了幾難了甚深

幾善非善因幾善因非善幾善亦善因幾非
善亦非善因幾不善非不善因幾不善因非
不善幾不善亦不善因幾非不善亦非不善
因幾無記非無記因幾無記因非無記幾無
記亦無記因幾非無記亦非無記因幾因緣
緣非有因幾有因非因緣緣幾因緣緣亦有
因幾非因緣緣亦非有因幾次第緣緣非次
第幾次第非次第緣緣幾次第緣緣六次第

幾非次第緣緣亦非次第幾緣緣緣非有緣
幾有緣非緣緣緣幾緣緣緣亦有緣幾非緣
緣緣亦非有緣幾增上緣緣非增上幾增上
非增上緣緣幾增上亦增上緣緣幾非增上
緣緣亦非增上幾流非隨流幾隨流非流幾
流亦隨流幾非流亦非隨流如是一切修多

羅廣問

問此優婆塞五戒幾色幾非色者今當答謂
一切是色一不可見四分別謂四作可見無
作不可見彼一切作有對無作無對一切是
有漏一切是有爲一切是有報一切從因緣
生世所攝一切是色所攝一切是外入所攝

觀相應一切是見處非見一切非身見因身
見亦非彼因一切是業非業報一切是業非
業隨轉一是造色色非可見色四分別謂四
若作是造色色可見色若無作是造色色非
可見色一切若作是造色色有對色若無作
是造色色非有對色一切是甚深難了難了

甚深

一切是善亦善因一切非不善亦非不善因
一切非無記亦非無記因一切是因緣緣亦
有因一切非次第亦非次第緣緣一切是緣
緣緣非有緣一切是增上緣緣及有增上一
切是隨流非流

淨者謂四不壞淨。問云何四。答謂佛不壞淨法不壞淨。僧不壞淨。聖戒不壞淨。

問此四不壞淨。幾色幾非色。答一。是色。三非色。一切不可見。一切是無對。一切是無漏。一切是有爲。一切是無報。一切從因緣生。世所攝。一。是色所攝。三。是名所攝。一切是外入所攝。一切是智知。一切非斷知。知一切是不斷。一切是應修。一切不穢汚。一切是果。及有果。一切是不受。一。是四大造。三非四大造。一切是有上。一切是非有。一。因不相應。三。因相應。善二。處少分。攝四不壞淨。四不壞淨亦攝善二。處少分。不善處所不攝。無記處所不攝。漏。

處所不攝有漏處所不攝無漏一處及一處
少分攝四不壞淨四不壞淨亦攝無漏一處
及一處少分一切或過去或未來或現在一
切是善一切是不繫

問不壞淨幾學幾無學幾非學非無學答一
切應分別佛不壞淨或學或無學云何學謂
學意思惟相應佛不壞淨云何無學謂無學
意思惟相應佛不壞淨如佛不壞淨法僧不
壞淨亦如是

聖戒不壞淨或學或無學云何學謂學身口
業云何無學謂無學身口業一切是不斷
非心非心法非心相應三心法心相應一心

隨轉非受相應三心隨轉亦受相應一心隨
轉非想行相應三心隨轉亦想行相應除其
自性

問不壞淨幾覺隨轉非觀相應答一切應分
別佛不壞淨或有覺有觀或無覺有觀或無
覺無觀云何有覺有觀謂有覺有觀意思惟
相應佛不壞淨云何無覺有觀謂無覺有觀
意思惟相應佛不壞淨云何無覺無觀謂無
覺無觀意思惟相應佛不壞淨如佛不壞淨
法僧不壞淨亦如是

聖戒不壞淨或覺隨轉非觀相應或非覺隨
轉亦非觀相應云何覺隨轉非觀相應謂覺

隨轉身口業餘非覺隨轉亦非觀相應一切
非見亦非見處一切非身見因身見亦非彼
因一是業非業報三非業亦非業報一是業
亦業隨轉三業隨轉非業一是造色色非可
見色三非造色色亦非可見色一是造色色
非有對色三非造色色亦非有對色一切是
甚深難了難了甚深

一切是善亦善因一切非不善亦非不善因
一切非無記亦非無記因一切是因緣緣亦
有因

問不壞淨幾次第非次第緣緣答一非次第
亦非次第緣緣三分別佛不壞淨或次第非

次第緣緣作三句。次第非次第緣緣者。謂未來現前必起佛不壞淨。次第緣緣者。謂過去現在佛不壞淨。非次第緣緣者。謂除未來現前必起佛不壞淨。若餘未來佛不壞淨。如佛不壞淨。法僧不壞淨。亦如是。一是緣緣緣。非有緣。三是緣緣緣。亦有緣。一切是增上緣緣。及有增上。一切非流。亦非隨流。

果者。謂四沙門果。問云。何四。答。謂須陀洹果。乃至阿羅漢果。

問此四沙門果。幾色。幾非色。答。謂沙門果。所攝身口業。是色。餘非色。一切不可見。一切是。

無對一切是無漏

問沙門果幾有為幾無為答一切應分別謂
須陀洹果或有為或無為云何有為謂須陀
洹果有為五陰云何無為謂須陀洹果所攝
數滅如須陀洹果乃至阿羅漢果亦如是
一切是無報沙門果若有為從因緣生世所
攝若無為非因緣生世所攝沙門果所攝
身口業是色所攝餘是名所攝沙門果所攝
心意識是內入所攝餘是外入所攝一切是
智知一切非斷智知及不斷若有為是應修
若無為是不應修一切不穢汚若有為是果
及有果若無為是果非有果一切是不受沙

門果所攝身口業是四大造餘非四大造若
有爲是有上若無爲是無上一切是非有沙
門果所攝身口業及心不相應行及數滅因
不相應餘因相應

善六處少分攝四沙門果四沙門果亦攝善
六處少分不善處所不攝無記處所不攝漏
處所不攝有漏處所不攝無漏六處少分攝
四沙門果四沙門果亦攝無漏六處少分若
有爲或過去或未來或現在若無爲非過去
非未來非現在一切是善一切是不繫
問沙門果幾學幾無學幾非學非無學答一
切應分別謂須陀洹果或學或非學非無學

云何學謂須陀洹有爲果云何非學非無學
謂須陀洹無爲果如須陀洹果斯陀含果阿
那含果亦如是

阿羅漢果或無學或非學非無學云何無學
謂阿羅漢有爲果云何非學非無學謂阿羅
漢無爲果一切是阿羅漢果所攝身口業
心不相應行及數滅非心非心法非心相應
沙門果所攝受陰想陰彼相應行陰是心法
心相應心意識即心也

問須陀洹果幾心隨轉非受相應答作四句
心隨轉非受相應者謂心隨轉身口業心隨
轉心不相應行及受受相應非心隨轉者謂

心意識心隨轉亦受相應者謂想陰彼相應
行陰非心隨轉亦非受相應者謂除心隨轉
心不相應行若餘心不相應行及數滅如須
陀洹果乃至阿羅漢果亦如是如受想行亦
如是除其自性

問須陀洹果幾覺隨轉非觀相應答作四句
覺隨轉非觀相應者謂覺隨轉身口業覺隨
轉心不相應行及覺相應觀觀相應非覺隨
轉者謂覺覺隨轉亦觀相應者謂覺觀相應
心心法非覺隨轉亦非觀相應者謂除覺隨
轉心不相應行若餘心不相應行及數滅如
須陀洹果斯陀含果亦如是

阿那含果或覺隨轉非觀相應作四句覺隨
轉非觀相應者謂覺隨轉身口業覺隨轉心
不相應行及覺相應觀觀相應非覺隨轉者
謂覺若覺不相應觀相應心心法覺隨轉亦
觀相應者謂覺觀相應心心法非覺隨轉亦
非觀相應者謂除覺隨轉身口業若餘身口
業除覺隨轉心不相應行若餘心不相應行
及覺不相應觀及非覺觀相應心心法及數
滅如阿那含果阿羅漢果亦如是
須陀洹果所攝慧是見非見處餘非見亦非
見處如須陀洹果斯陀含果阿那含果亦如
是

阿羅漢果所攝盡智無生智所不攝無漏慧
是見非見處餘非見亦非見處一切非身見
因身見亦非彼因沙門果所攝身口業及思
是業非業報餘非業亦非業報

問須陀洹果幾業非業隨轉答作四句業非
業隨轉者謂思業業隨轉非業者謂受陰想陰
識陰若思所不攝業隨轉行陰業亦業隨轉
者謂業隨轉身口業非業亦非業隨轉者謂
除業隨轉心不相應行若餘心不相應行及
數滅如須陀洹果乃至阿羅漢果亦如是沙
門果所攝身口業是造色色非可見色餘非
造色色亦非可見色沙門果所攝身口業是

造色色非有對色餘非造色色亦非有對色
一切是甚深難了難了甚深

沙門果若有為是善亦善因若無為是善非
善因一切非不善亦非不善因一切非無記
亦非無記因沙門果若有為是因緣緣及有
因若無為非因緣緣及非因

問沙門果幾次第非次第緣緣答一切應分
別沙門果若有為或次第非次第緣緣作三
句次第非次第緣緣者謂未來現前必起心
心法次第亦次第緣緣者謂過去現在心心
法非次第亦非次第緣緣者謂除未來現前
必起心心法若餘未來心心法及身口業必

不相應行及數滅沙門果若有為所攝身口
業心不相應行及數滅是緣緣緣非有緣餘
者是緣緣緣亦有緣沙門果若有為是增上
緣緣及有增上若無為是增上緣緣非有增
上一切非流亦非隨流

通者謂四通問云何四荅謂有苦遲通有苦
速通有樂遲通有樂速通云何苦遲通謂未
來禪中間禪及三無色若鈍根道云何苦速
通謂未來禪中間禪及三無色若利根道云
何樂遲通謂根本四禪若鈍根道云何樂速
通謂根本四禪若利根道

問此四通幾是色幾非色荅通所攝身口業

是色餘非色一切不可見一切是無對一切
是無漏一切是有爲一切是無報一切從因
緣生世所攝通所攝身口業是色所攝餘是
名所攝通所攝心意識是內入所攝餘是外
入所攝一切是智知一切非斷知及不斷
一切是應修一切不穢汚一切是果及有果
一切是不受通所攝身口業是四大造餘非
四大造一切是有上一切是非有通所攝身
口業及心不相應行因不相應餘因相應善
五處少分攝四通亦攝善五處少分不
善處所不攝無記處所不攝漏處所不攝有
漏處所不攝無漏五處少分攝四通亦

攝無漏五處少分一切或過去或未來或現在一切是善一切是不繫

問四通幾學幾無學答一切應分別通或學或無學云何學謂通所攝學五陰云何無學謂通所攝無學五陰一切是不斷通所攝身口業心不相應行非心非心法非心相應通所攝受陰想陰彼相應行陰是心法心相應心意識即心也

問四通幾心隨轉非受相應答作四句心隨轉非受相應者謂心隨轉身口業心隨轉心不相應行及受受相應非心隨轉者謂心意識心隨轉亦受相應者謂想陰彼相應行陰非

心隨轉亦非受相應者謂除心隨轉心不相
應行若餘心不相應行如受想行亦是除
其自性

問苦遲通幾覺隨轉非觀相應答作四句覺
隨轉非觀相應者謂覺隨轉身口業覺隨轉
心不相應行及覺相應觀觀相應非覺隨轉
者謂覺若覺不相應觀相應心心法覺隨轉
亦觀相應者謂覺觀相應心心法非覺隨轉
亦非觀相應者謂除覺隨轉身口業若餘身
口業除覺隨轉心不相應行若餘心不相應
行及覺不相應觀及非覺觀相應心心法如
苦遲通苦速通亦如是

樂遲通或覺隨轉非觀相應作四句覺隨轉
非觀相應者謂覺隨轉身口業覺隨轉心不
相應行及覺相應觀觀相應非覺隨轉者謂
覺若覺不相應觀相應心心法覺隨轉亦觀
相應者謂覺觀相應心心法非覺隨轉亦非
觀相應者謂除覺隨轉身口業若餘身口業
除覺隨轉心不相應行若餘心不相應行及
覺不相應觀及非覺觀相應心心法如樂遲
通樂速通亦如是

通所攝盡智無生智所不攝無漏慧是見非
見處餘非見亦非見處一切非身見因身見
亦非彼因通所攝身口業及思此是業非業

報餘非業亦非業報

問四通幾業非業隨轉答作四句業非業隨轉者謂思業業隨轉非業者謂受陰想陰識陰若思所不攝業隨轉行陰業亦業隨轉者謂業隨轉身口業非業亦非業隨轉者謂除業隨轉心不相應行若餘心不相應行

通所攝身口業是造色色非可見色餘非造色色亦非可見色通所攝身口業是造色色非有對色餘非造色色亦非有對色一切是甚深難了難了甚深

一切是善亦善因一切非不善亦非不善因一切非無記亦非無記因一切是因緣緣亦

有因

問四通幾次第非次第緣緣答一切應分別
通或次第非次第緣緣作三句次第非次第
緣緣者謂未來現前必起心心法次第亦次
第緣緣者謂過去現在心心法非次第亦非
次第緣緣者謂除未來現前必起心心法若
餘未來心心法及身口業心不相應行通所
攝身口業心不相應行是緣緣非有緣餘
者是緣緣緣亦有緣一切是增上緣緣及有
增上一切非流亦非隨流

種者謂四聖種問云何四答一謂隨乞得衣
知足聖種二謂隨乞得食知足聖種三謂隨

得眠卧具等知足聖種四謂樂閑靜樂修聖種
問此四聖種幾色幾非色答聖種所攝身口
業是色餘非色一切是不可見一切是無對
問聖種幾有漏幾無漏答一切應分別聖種
或有漏或無漏云何有漏謂聖種所攝有漏
五陰云何無漏謂聖種所攝無漏五陰一切
是有爲若有漏彼有報若無漏彼無報一切
從因緣生世所攝聖種所攝身口業是色所
攝餘是名所攝聖種所攝心意識是內入所
攝餘是外入所攝一切是智知若有漏斷知
知及斷若無漏非斷知知及不斷一切是應
修一切不穢汚一切是果及有果一切是不

受聖種所攝身口業是四大造餘非四大造
一切是有上聖種若有漏彼是有若無漏彼
非有聖種所攝身口業及心不相應行因不
相應餘因相應

善五處少分攝四聖種四聖種亦攝善五處
少分不善處所不攝無記處所不攝漏處所
不攝或有漏處攝非聖種作四句有漏處攝
非聖種者謂聖種所不攝有漏五陰聖種攝
非有漏處者謂聖種所攝無漏五陰有漏處
攝亦聖種者謂聖種所攝有漏五陰非有漏
處攝亦非聖種者謂虛空及數滅非數滅或
無漏處攝非聖種作四句無漏處攝非聖種

者謂虛空及數滅非數滅聖種攝非無漏處
者謂聖種所攝有漏五陰無漏處攝亦聖種
者謂聖種所攝無漏五陰非無漏處攝亦非
聖種者謂聖種所不攝有漏五陰一切或過
去或未來或現在一切是善

聖種或欲界繫或色界繫或無色界繫或不
繫云何欲界繫謂聖種所攝欲界繫五陰云
何色界繫謂聖種所攝色界繫五陰云何無
色界繫謂聖種所攝無色界繫四陰云何不
繫謂無漏四聖種

問聖種幾學幾無學幾非學非無學答一切
應分別聖種或學或無學或非學非無學云

何學謂聖種所攝學五陰云何無學謂聖種
所攝無學五陰云何非學非無學謂聖種所
攝有漏五陰聖種若有漏彼修斷若無漏彼
不斷聖種所攝身口業及心不相應行非心
非心法非心相應聖種所攝受陰想陰彼相
應行陰是心法心相應心意識即心也
問聖種幾心隨轉非受相應答作四句心隨
轉非受相應者謂心隨轉身口業心隨轉心
不相應行及受受相應非心隨轉者謂心意
識心隨轉亦受相應者謂想陰彼相應行陰
非心隨轉亦非受相應者謂除心隨轉身口
業若餘身口業除心隨轉心不相應行若餘

心不相應行如受想行亦如是除其自性
問聖種幾覺隨轉非觀相應答作四句覺隨
轉非觀相應者謂覺隨轉身口業覺隨轉心
不相應行及覺相應觀觀相應非覺隨轉者
謂覺若覺不相應觀相應心心法覺隨轉亦
觀相應者謂覺觀相應心心法非覺隨轉亦
非觀相應者謂除覺隨轉身口業若餘身口
業除覺隨轉心不相應行若餘心不相應行
及覺不相應觀及非覺觀相應心心法
問聖種幾見非見處答作四句見非見處者
謂聖種所攝盡智無生智所不攝無漏慧見
處非見者謂見所不攝有漏四聖種見亦見

處者謂世俗正見非見亦非見處者謂見所
不攝無漏四聖種

一切非身見因身見亦非彼因聖種所攝身
亡業及思此是業非業報餘非業亦非業報
問聖種幾業非業隨轉答作四句業非業隨
轉者謂除業隨轉身口業若餘身口業及思
業業隨轉非業者謂受陰想陰識陰若思所
不攝業隨轉行陰業亦業隨轉者謂業隨轉
身口業非業亦非業隨轉者謂除業及業隨
轉心不相應行若餘心不相應行
聖種所攝身口業是造色色非可見色餘非
造色色亦非可見色

聖種所攝身口業是造色色非有對色餘非
造色色亦非有對色一切是甚深難了難了
甚深

一切是善亦善因一切非不善亦非不善因
一切非無記亦非無記因一切是因緣緣亦
有因

問聖種幾次第非次第緣緣答一切應分別
聖種或次第非次第緣緣作三句次第非次
第緣緣者謂未來現前必起心心法次第亦
次第緣緣者謂過去現在心心法非次第亦
非次第緣緣者謂除未來現前必起心心法
若餘未來心心法及身口業心不相應行

聖種所攝身口業心不相應行是緣緣。有緣餘者是緣緣緣亦有緣一切是增上緣緣及有增上聖種若有漏彼隨流非流若無漏非流亦非隨流

如四聖種四正勤四如意足善聚修多羅亦如是

念者謂四念處問云何四答謂身念處乃至法念處云何身念處謂緣身慧云何受念處謂緣受慧云何心念處謂緣心慧云何法念處謂緣法慧

問此四念處幾色幾非色答一切非色一切不可見一切是無對

問念處幾有漏幾無漏答一切應分別緣慧或有漏或無漏去何有漏謂有漏意思惟相應緣身慧去何無漏謂無漏意思惟相應緣身慧如緣身慧乃至緣法慧亦如是
一切是有為念處若有漏彼有報若無漏彼無報一切從因緣生世所攝一切是名所攝
一切是外入所攝一切是智知若有漏斷知及斷若無漏非斷知及不斷一切是應修一切不穢汚一切是果及有果一切是不受一切非四大造一切是有上念處若有漏是有若無漏非是有一切因相應
善一處少分攝四念處四念處亦攝善一處

少分不善處所不攝無記處所不攝漏處所
不攝

或有漏處攝非念處作四句有漏處攝非念
處者謂有漏色陰有漏受陰想陰識陰念處
所不攝有漏行陰念處攝非有漏處者謂無
漏四念處有漏處攝亦念處者謂有漏四念
處非有漏處攝亦非念處者謂無漏色陰受
陰想陰識陰念處所不攝無漏行陰及無為
或無漏處攝非念處作四句無漏處攝非念
處者謂無漏色陰受陰想陰識陰念處所不
攝無漏行陰及無為念處攝非無漏者謂有
漏四念處無漏處攝亦念處者謂無漏四念

處非無漏處攝亦非念處者謂有漏色陰受
陰想陰識陰念處所不攝有漏行陰一切或
過去或未來或現在一切是善

問念處幾界繫答一切應分別緣身慧或欲
界繫或色界繫或無色界繫或不繫云何欲
界繫謂欲界繫意思惟相應緣身慧云何色
界繫謂色界繫意思惟相應緣身慧云何無
色界繫謂無色界繫意思惟相應緣身慧云
何無繫謂無漏意思惟相應緣身慧如緣身
慧乃至緣法慧亦如是

問念處幾學幾無學幾非學非無學答一切
應分別緣身慧或學或無學或非學非無學

云何學謂學意思惟相應緣身慧云何無學
謂無學意思惟相應緣身慧云何非學非無
學謂有漏意思惟相應緣身慧如緣身慧乃
至緣法慧亦如是

念處若有漏彼修斷若無漏彼不斷一切是
心法心相應一切心隨轉受相應一切心隨
轉想行相應除其自性

問念處幾有覺有觀答一切應分別緣身慧
或有覺有觀或無覺有觀或無覺無觀云何
有覺有觀謂有覺有觀意思惟相應緣身慧
云何無覺有觀謂無覺有觀意思惟相應緣
身慧云何無覺無觀謂無覺無觀意思惟相

緣身慧如緣身慧乃至緣法慧亦如是
問念處幾見非見處答一切應分別緣身慧
或見非見處作四句見非見處者謂盡智無
生智所不攝無漏緣身慧見處非見者謂見
所不攝有漏緣身慧及五識身相應緣身慧
見亦見處者謂世俗正見非見亦非見處者
謂見所不攝無漏緣身慧

緣受慧或見非見處作四句見非見處者謂
盡智無生智所不攝無漏緣受慧見處非見
者謂見所不攝有漏緣受慧見亦見處者謂
世俗正見非見亦非見處者謂見所不攝無
漏緣受慧如無漏緣受慧緣法慧亦

如是

一切非身見因身見亦非彼因一切非業亦
非業報一切是業隨轉非業一切非造色色
非可見色一切非造色色非有對色一切是
甚深難了難了甚深

一切是善亦善因一切非不善亦非不善因
一切非無記亦非無記因一切是因緣緣亦
有因

問念處幾次次第緣緣答一切應分別
緣身慧或次第非次第緣緣作三句次第非
次第緣緣者謂未來現前必起緣身慧次第
次第緣緣者謂過去現在緣身慧非次第

亦非次第緣緣者謂除未來現前必起緣身
慧若餘未來緣身慧如緣身慧乃至緣法慧
亦如是

一切是緣緣緣亦有緣一切是增上緣緣及
有增上若有漏彼隨流非流餘非流亦非隨流

眾事分阿毗曇論卷第八

鈍

徒困反
不快也

投

